

ხელშეკრულება № 95
სახელმწიფო შესყიდვის შესახებ

ქ.გურჯაანი

2021 წლის 6 მაისი

ერთი მხრივ, გურჯაანის მუნიციპალიტეტი (მისამართი: ქ. გურჯაანი, ი.ნონეშვილის გამზ. №13) წარმოდგენილი მერის, არჩილ ხანდამაშვილის სახით (შემდგომში წოდებული „შემსყიდველად“) და მეორე მხრივ შპს „ნაით შოუ“ (მისამართი: ქ. თბილისი, წმინდა ქეთევან დედოფლის გამზ. №67. ბ. 52) დირექტორის ლერი ოყუჯავას სახით (შემდგომში წოდებული „მიმწოდებლად“), სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, NAT210006288 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე.

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს სამუშაოს ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – NAT210006288 ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1 კულტურული ღონისძიების (1 ივნისის ბავშვთა უფლებების დაცვის დღისადმი მიძღვნილი ღონისძიება) ორგანიზების მომსახურება ტექნიკური დავალების შესაბამისად. CPV კოდი: 79952100.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს: 11357,50 (თერთმეტი ათას სამას ორმოცდაჩვიდმეტი ლარი და 50 თეთრი) ლარს. მათ შორის დღგ. 1732,50 (ათას შვიდას ოცდათორმეტი ლარი და 50 თეთრი) ლარი.
- 3.2 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

4. მხარეთა ვალდებულებები

- 4.1 შემსყიდველი უფლებამოსილია:
 - ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - ბ) მომსახურების გაწევის ვადის დასრულებამდე გამოითხოვოს მისთვის საჭირო დოკუმენტაცია;
 - გ) ქვეყანაში შექმნილი მდგომარეობიდან გამომდინარე შესაძლებელია ღონისძიების განხორციელების პერიოდი გააუქმოს ან ფორმატი შეცვალოს. აღნიშნულის შეცვლის შემთხვევაში შემსყიდველთან შეთანხმებით მოხდება ახალი პერიოდის განსაზღვრა (მოთხოვნიდან 1 კვირის განმავლობაში)
- 4.2 შემსყიდველი ვალდებულია:
 - ა) უზრუნველყოს მიმწოდებლის მიერ მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.3 მიმწოდებელი უფლებამოსილია:
 - ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.4 მიმწოდებელი ვალდებულია:
 - ა) მიაწოდოს მომსახურება სრული მოცულობით და დათქმულ ვადებში.

5. ანგარიშსწორების ფორმა და წესი

5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;

5.2. მიმწოდებელთან ანგარიშწორება განხორციელდება, გაწეული მომსახურების მიღება-ჩაბარების აქტის გაფორმებიდან 10 სამუშაო დღის განმავლობაში.

6. ხელშეკრულების ინსპექტირება

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე;

6.2. ამ მუხლის პირველი პუნქტით გათვალისწინებული კონტროლსა და ზედამხედველობას განახორციელებს გურჯაანის მუნიციპალიტეტის მერის 2021 წლის 07 აპრილის #532 ბრძანებით შექმნილი კულტურის, განათლების, სპორტისა და ახალგაზრდულ საქმეთა სფეროში შესყიდული მომსახურების ინსპექტირების მიზნით შექმნილი კომისია.

6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. შესყიდვის საგნის მიღება-ჩაბარების წესი

7.1. მიმწოდებელი შემსყიდველს წარუგნს გაწეული მომსახურების შესახებ მიღება-ჩაბარების აქტს და ანგარიშსწორების დოკუმენტს.

8. მომსახურების მიწოდების ადგილი და ვადა

8.1. ხელშეკრულებით გათვალისწინებული ვალდებულებების შესრულების ადგილია ტექნიკურ დავალებაში მითითებული ადგილი;

8.2. მომსახურების მიწოდება განხორციელდება 2021 წლის 1 ივნისს (აუცილებელია რომ ფერადი ნაჭრის მრავალჯერადი საბავშვო პირბადეები, ქაფმუყაოს ფოტო-კედელი (PVC) მოწოდებული იყოს მ/წ 28 მაისს. ჰელიუმის ბუშტები მიმაგრებული ლენტზე მოწოდებული უნდა იყოს მ/წ 1 ივნისის 10:00 საათამდე).

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით;

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;

9.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანის და შეწყვეტის წესი

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყი-დველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

10.5. ხელშეკრულების 10.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით აცნობოს ამის შესახებ მეორე მხარეს;

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ, წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან;

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავების გადაჭრის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერის დღიდან და მოქმედებს 2021 წლის 1 სექტემბრამდე

შემსყიდველი: გურჯაანის მუნიციპალიტეტი. ქ. გურჯაანი. ნონეშვილის გამზ. N13. ს/კ 227765022. ხაზინის ერთიანი ანგარიში TRESG22. ხაზინის ერთიანი ანგარიში GE24NB0330100200165022.

მიმწოდებელი: შპს „ნაით შოუ“, მისამართი: ქ. თბილისი, წმინდა ქეთევან დედოფლის გამზ., N67, ბ. 52. ს/კ 406210540. სს „ვითიბი ბანკი ჯორჯია“ ბ/კ UGEBGE22, ანგარიშის N GE07VT1455555555555555.



შპს „ნაით შოუ“:

დირექტორი

ლერი ოყუჯავა